



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginae
oraculis, & Sacr. ...

Monacellus, Franciscus

Venetiis, 1707

Litteræ provisionalis testimonii idoneitatis ad Ordines, pro Regularibus..
Form. XV.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

& Canonicorum, servitio Ecclesiæ interessentium, perpetuò assignatus, & applicamus. Et ita in Visitatione providemus hac die &c.

N. Episcopus N.

N. Visitationis Actuarius.

ADNOTATIO.

Ex contentis, & expressis in Formula (quæ superflua non habet) edocetur Episcopus, quod pro validitate suppressionis Præbendarum, quam ipse vigore Concilii Trident. sess. 24. cap. 15. de reformat. facere potest, ut provideatur tenuitati aliarum in Cathedrali, aut Collegiatæ insignis, requiritur. Primò quòd diminutio reddituum (quæ est potissima causa reducendi) consideretur respectu quantitatis assignatæ à principio foundationis, & non sit temporanea. Secundò, quòd diminutio sit talis, ut persona idonea non possit cum illis fructibus decenter vivere, & onera supportare. Tertio, quod non adsint alià Beneficia simplicia, quæ ad hunc effectum uniri, vel supprimi valeant. Quarto, quod diminutio reddituum fuerit legitime probata. Quinto, quod facta aliquarum Præbendarum suppressione, tot aliæ supersint, quæ sufficiant ad divinum cultum peragendum, & dignitatem Ecclesiæ conservandam. Sextò, quod fiat cum consensu Capituli, de quo constare

debet, ut tradunt Garz. de benef. part. 12. cap. 2. n. 172. & 177. Lotter. de re benef. lib. 1. cap. 28. n. 80. & plurib. seqq. Corrad. prax. benef. lib. 2. c. 8. à n. 17. ad 44. Fagnan. in cap. ex parte n. 12. & seqq. de Constit. ubi tamen n. 13. advertit, quod primum requisitum (quod magnificiunt Lotter. & Corrad.) Concilium non requirit, cum non distinguat, an redditus fuerit tenues a principio, an postea diminuti fuerint: & n. 16. tenet, quod concurrentibus aliis requisitis, facultas hæc reducendi competat Episcopo, etiam in casu, quod numerus Canonicorum reperiat auctoritate Apostolica confirmatus.

Animadvertendum autem est, quod licet reductio numeri, & suppressio Præbendarum (requisitis concurrentibus ad formam Concilii) fieri possit ab Episcopo quancumque: nihilominus enunciatur in formula, quod facta fuerit in Visitatione, ad hoc ut actus firmior evadat: quia in Visitatione, Episcopus tanquam melius de Statu Ecclesiæ suæ informatus, præsumitur quod non nisi Canonum sanctione servata procedat, Pac. Jordan. elucubr. lib. 7. tit. 1. num. 2.

Litteræ provisionalis, & testimonialis idoneitatis ad Ordines, pro Regularibus.

FORMULA XV.

NOS infra scripti pro examinandis alumnis juxta Ordinis Constitutiones deputati, cunctis ad quos spectat providere, per presentes testamur, Clericum N. (bonæ frugis) in nostra Religione professum, & in Ordinibus N. exercitatum, coram nobis personaliter constitutum, & probè examinatum, fuisse ad Ordines Sacros idoneum, & habilem repertum: ipsumque propterea, ut ad Episcopum suum Ordinarium dimittatur pro illis suscipiendis dignum reputamus. In quorum &c. Datum &c.

N. N. Sac. Theologiæ professor, & Ordinis Examinator.

N. N. Sac. Theologiæ professor, & Ordinis Examinator.

Z. 2.

Litteræ

Litteræ provisionalis, & testimonialis idoneitatis ad Confessiones
Sacramentales audiendas pro Regularibus.

F O R M U L A XVI

EGO infra scriptus Ordinis N. Magister, Sac. Theologiae professor ac Prior
Provincialis Provinciae N. elegi P. N. Sacerdotem in nostra Religione pro-
fessum ad audiendas Confessiones Sacramentales, quem sic electum tanquam
sufficientem, idoneum, vita probatum, discretum, modestum, atque peri-
tum, & ab Examinatoribus Ordinis ad id approbatum, praesente Illustris. &
Reverendis. D. Episcopus N. & humiliter peto, ut ad tam salubre ministe-
rium, & officium exequendum illum, & ipse approbare dignetur; ad hoc ut
in sua Civitate, & Diocesi, confessiones subditorum confiteri sibi volentium
audire, atque eisdem penitentias salutares imponere, & absolutionis benefi-
cium impendere liberè valeat. In quorum omnium Testimonium praesentes de-
di. Bononiae hac die &c.

N. N. Provincialis.

Loco ✠ Sigilli.

N. N. Secretarius.

A D N O T A T I O.

Regulares praesentati Episcopo Ordini-
nario pro recipienda approbatione ad
confessiones sacramentales suscipiendas,
debent habere qualitates, quae in Formu-

la continentur, illasque Superiores praesentanter exprimer e, in testimonialibus,
prout disponitur in *Clem. Dudum, §. Sta-
tuimus de Sepultur.* ne Episcopus de eorum
idoneitate valeat dubitare, & liberius te-
stimoniales, requisita Clementinae non
exprimentes, rejicere.

Et haec omnia ad supplementum primae partis
operis addita, liturae Sanctae Matris Ec-
clesiae expressè submitto, ad individuae
Trinitatis, gloriosissime Mariae Vir-
ginis, & SS. Petri, & Pauli, &
Francisci laudem, &
gloriam.

APPE.N.